



GASTO ESTRATÉGICO

II. GASTO ESTRATÉGICO

Neste apartado analízase, por unha parte, a Estratexia Comunitaria do Plan Estratéxico de Galicia (PEG) 2015-2020, e por outra parte, detállanse as Axudas da UE correspondentes aos Fondos que se integran nos presupostos da C.A. de Galicia para 2017.

II.1. A ESTRATEXIA COMUNITARIA DO PLAN ESTRATÉGICO DE GALICIA 2015-2020

Se expoñen nos seguintes subapartados as principais características da estratexia comunitaria da UE no PEG 2015-2020, a través da análise da súa estrutura, da súa formulación estratéxica por Eixes e da súa coherencia externa.

II.1.1. Estructura do PEG 2015-2020


O Plan Estratéxico de Galicia (PEG) 2015-2020, que asume como obxectivos propios os principios orientadores da Estratexia Europa 2020, ten como **Obxectivo final** Impulsar o crecemento económico de Galicia, partindo dun modelo baseado na innovación e o capital humano que colabore a acadar unha Galicia moderna e cohesionada social e territorialmente e que permita diminuír o desemprego, aumentar a produtividade e a renda dos galegos e das galegas colaborando a retomar a senda do crecemento demográfico.

Esta orientación europeísta do modelo galego de desenvolvemento, complementase cos resultados do exame da situación económica de Galicia a través da análise DAFO de ameazas, fortalezas, debilidades e oportunidades, que lle engaden as circunstancias propias dentro do espazo económico de España e da Unión.

A planificación estratéxica do PEG 2015-2020 **estruturase en tres niveis principais**: Eixe, Prioridade de Actuación (PA) e Obxectivo Estratéxico (OE) / Obxectivo Instrumental (OI). En relación co anterior, o PEG consta de 5 Eixes de intervención, 20 Prioridades de Actuación, 74 Obxectivos Estratéxicos e 21 Obxectivos Instrumentais.

Así mesmo, o plan integra os **Principios Horizontais** (3) de Gobernanza e asociación, Promoción da igualdade de homes e mulleres e non discriminación e Desenvolvemento sustentable. Ademais, todo o plan constrúese coa finalidade de avanzar nos **Obxectivos Transversais** (4) que abranguen a todos os eixes de intervención:

- Impulso da cultura da innovación.
- Fomento do emprendemento, a industrialización e a internacionalización en todos os campos.
- Colaborar coa dinamización demográfica.
- Cohesión territorial e fixación da poboación no medio rural.



Na seguinte táboa mostrase a planificación estratéxica do primeiro nivel do PEG 2015-2020. Así, observase que o Eixe 1, o Eixe 2 e o Eixe 3 artículanse en 5 PA cada un deles, mentres que o Eixe 4 abarca 3 PA e o Eixe 5 descomponse en 2 PA.

O principio horizontal de **Gobernanza e asociación** persigue o enriquecemento do Plan a través da participación cidadá e dos axentes económico e sociais, ademais do asesoramento recibido a partir da constitución dun comité asesor de expertos formado por representantes relevantes dos ámbitos empresarial e universitario galegos. O modelo de participación para a elaboración do Plan Estratéxico de Galicia 2015-2020 é un modelo evolucionado da “tripla hélice” convencional (administración + universidade + empresa), engadindo unha compoñente fundamental: a sociedade civil, incluídos os interlocutores medioambientais, as organizacións non gobernamentais e os organismos encargados de promover a inclusión social, a igualdade de xénero e a non discriminación.

Relación estrutural dos Eixes coas Prioridades de Actuación do PEG 2015-2020

Eixe 1. Empregabilidade e crecemento intelixente
PA 1.1 Impulso da consolidación das políticas de gastos vencelladas á I+D+i. Integrar a Galicia no círculo virtuoso da innovación para o crecemento
PA 1.2 Fomento da actividade empresarial e comercial, impulso da competitividade e internacionalización das empresas e autónomos/as, apoio á artesanía, regulación sectorial e protección da competencia
PA 1.3 Aumento da empregabilidade e produtividade dos traballadores e traballadoras de Galicia a través da formación e innovación constante
PA 1.4 Completar Galicia no que atinxe a infraestruturas básicas. Dar un novo pulo ás políticas de rehabilitación e conservación da vivenda
PA 1.5 Consolidar un sistema educativo que minimize o fracaso escolar e se aliñe en resultados coas rexións líderes de Europa en todos os niveis e impulsar o SUG cara á excelencia
Eixe 2. Benestar das persoas e as familias e cohesión social
PA 2.1 Sistema sanitario sustentable e de calidade. Fomento da saúde pública e dos hábitos de vida saudables
PA 2.2 Desenvolvemento do sistema de servizos sociais de atención ás persoas maiores e dependentes
PA 2.3 Mellora dos servizos sociais a familias e á infancia, apoio á conciliación e á promoción da igualdade, servizos e axudas complementarios da educación e políticas de xuventude e cooperación
PA 2.4 Deseño dunha estratexia de integración social que mellore o benestar da cidadanía, axude ás persoas máis desfavorecidas a retornar o máis axiña posible a situacións socioeconómicas aceptables e que fomente a igualdade de xénero.
PA 2.5 Garantir o acceso a unha vivenda digna en réxime de propiedade ou aluguer axeitada ás posibilidades de cada familia
Eixe 3. Crecemento sustentable, territorio, mar, agricultura, gandería e montes
PA 3.1 Fomento do sector primario baseado na innovación e a calidade do produto galego que fixe a poboación ao medio rural
PA 3.2 Enerxía renovable eficiente, intelixente e non agresiva co medio ambiente e a paisaxe. Fomento dunha economía baixa en carbono
PA 3.3 Potenciación do turismo en Galicia a partir dun medio ambiente e cultura privilexiados
PA 3.4 Conservación da natureza, ordenación do territorio e da paisaxe e cohesión territorial
PA 3.5 Pechar un modelo de tratamento de residuos e un modelo de ciclo da auga líder en Europa
Eixe 4. Sociedade dixital, lingua, cultura e reforzo do peso de Galicia no seu entorno
PA 4.1 Desenvolvemento da economía dixital. Apoio á industria cultural e de medios como unha fonte de riqueza e impulso ao desenvolvemento da sociedade da información
PA 4.2 Conservación e promoción da riqueza cultural de Galicia
PA 4.3 Impulso das institucións de autogoberno e mellora da súa influencia e colaboración con Europa, a Eurorrexión e o resto do Estado
Eixe 5. Administración moderna, eficiente e de calidade
PA 5.1 Función pública profesional, motivada e orientada ao servizo público
PA 5.2. Administración transparente, eficiente e orientada a resultados

Fonte: Consellería de Facenda. Elaboración propia

A **Igualdade de oportunidades** é un principio xeral cuxos dous aspectos son a igualdade entre mulleres e homes e a igualdade de trato entre as persoas. Este principio debe aplicarse en todos os sectores, en especial na vida profesional, a educación e o acceso á asistencia sanitaria, os bens e servizos. Así, a Administración velará por que se teñan

en conta e se promovan a igualdade entre homes e mulleres e a integración da perspectiva de xénero nas sucesivas fases do ciclo de vida do plan: execución, seguimento e avaliación.

O principio horizontal de **Desenvolvemento sustentable** implica a posta en marcha de medidas transversais relacionadas coa protección ambiental, a eficiencia dos recursos, a mitigación do cambio climático e a adaptación ao mesmo, a biodiversidade e protección de ecosistemas, a capacidade de adaptación fronte aos desastres e a prevención e xestión de riscos, a fin de evitar ou reducir os efectos prexudiciais para o medio ambiente das distintas actuacións e de garantir resultados en beneficios netos de carácter social, ambiental e climático.

II.1.2. Formulación estratéxica dos Eixes do PEG 2015-2020 en Galicia

EIXE I: EMPREGABILIDADE E CRECEMENTO INTELIXENTE

Este eixe, que se articula en 5 PA, 24 OE y 4 OI, recolle un modelo integral de desenvolvemento que ten como fin principal que no 2020 se superen os postos de traballo destruídos pola crise. Esta situación acadaríase en base a unha modernización integral do sistema produtivo baseada na innovación e no coñecemento sen descoidar os sectores produtivos tradicionais.

As rexións europeas están obrigadas a competir de xeito continuado en base á tecnoloxía, deseño e a innovación se non queren ver deslocalizada a súa produción a países de baixos prezos.

Para iso, implantarase a cultura da innovación en todos os eidos socioeconómicos de Galicia, de maneira que, a través dun proceso que non será inmediato, se normalice o proceso innovador como un máis dentro da cadea de produción, o que suporá unha auténtica revolución no plantexamento dos sistemas produtivos e de xestión e venda, pero tamén unha importante fonte de xeración de nichos de emprego agora inexistentes.

Este compromiso cun novo sector produtivo máis competitivo debe partir dun contrato social entre un empresariado socialmente responsable, a posta en valor da figura do emprendedor e uns traballadores preocupados por aportar valor ao seu produto, o que redundará na súa retribución e empregabilidade.

Este xiro cara á competitividade, á innovación, ao fomento do espírito de empresa e emprendemento debe partir da escola, para iso, cómpre facer fincapé na mellora da calidade da educación e do nivel do alumnado galego, mellorar a relación da educación media e superior coa demanda do mercado de traballo, e conectar a xeración de coñecemento e a investigación coas demandas das empresas. Deste xeito, non só haberá uns mozos e mozas ben formados, senón con boas posibilidades de traballar no que estudaron en Galicia.

Entre as accións cofinanciadas polos Fondos EIE (FEDER, FSE, FEADER e FEMP) que figuran no orzamento 2017 (547,2 millóns de euros) e que contribuírán ao logro dos Obxectivos Estratéxicos do PEG, destacan as seguintes neste Eixe 1 (164,4 millóns de euros):

Sobresae o Obxectivo Estratéxico EI.PA02.OE01, “Ofertar solo industrial de calidade e axustado á demanda, impulsando este recurso como polo de atracción de empresas, facilitando a implantación de novas empresas no noso territorio e evitando a deslocalización das implantadas”, que alcanza un orzamento comunitario de 50,3 millóns de euros, e ao que contribuírán as actuacións a desenvolver polo FEDER (30,6 millóns de euros), o FEADER (17,4 millóns de euros) e o FSE (2,3 millóns de euros).

Tamén figura destacado o Obxectivo Estratéxico EI.PA01.OE01, “Potenciar a I+D+i mediante o fomento da absorción de coñecemento por parte das empresas, a mobilización e atracción de capital privado para os procesos de innovación galegos, o fomento da transferencia de investigación dende os axentes de xeración”, que presenta un orzamento comunitario de 27,5 millóns de euros, e ao que contribuírán as actuacións a desenvolver polo FEDER (24,9 millóns de euros), o FEADER (2,5 millóns de euros) e o INTERREG Europa (124.579 euros).

EIXE 2: BENESTAR DAS PERSOAS E AS FAMILIAS E COHESIÓN SOCIAL

Este Eixe 2 descompón a súa estratexia en 5 PA, 18 OE e 4 OI.

A dinámica demográfica de Galicia fai que a mellora das políticas de benestar sexan cada vez máis indispensables para colaborar na calidade de vida dunha poboación de máis idade.

Do mesmo xeito, as políticas de conciliación e os servizos ás familias, especialmente á infancia, contribuíran a mellorar as taxas de fecundidade e a inverter a dinámica demográfica de Galicia.

Por último, resulta preciso aplicar con éxito as políticas de inserción social dun amplo colectivo que foi o máis desfavorecido pola crise, mediante itinerarios personalizados que permitan acompañar ás persoas en risco de exclusión ata que abandonen esta situación. Tamén a consecución dunha sociedade máis xusta esixe que se garanta a igualdade de oportunidades para aqueles colectivos que sofren exclusión por outros motivos, dende unha discapacidade ata á pertenza a colectivos sociais marxinados.

Mención especial compre facer ás políticas de igualdade, que se constitúen nun principio horizontal. A perspectiva de xénero está presente na diagnose e solución aos principais problemas de Galicia, tamén contará con liñas de acción específicas para reducir con determinación as fendas de xénero nos diferentes eidos tratados no plan.

Entre as accións cofinanciadas polos Fondos EIE (FEDER, FSE, FEADER e FEMP) que figuran no orzamento 2017 e que contribuirán ao logro dos Obxectivos Estratéxicos do PEG, destacan as seguintes neste Eixe 2 (45,3 millóns de euros):

Sobresae o Obxectivo Estratéxico E2.PA04.OE01, "Consolidar e mellorar a acción protectora das persoas con carencia de recursos económicos en situación de risco e exclusión social e con especiais dificultades de inserción social", que presenta un orzamento comunitario de 15,9 millóns de euros, e ao que contribuirán as actuacións a desenvolver polo FEDER (2,2 millóns de euros) e o FSE (13,7 millóns de euros).

Tamén figura destacado o Obxectivo Estratéxico E2.PA.01.OE05, "Adequar as infraestruturas e o equipamento sanitario ás necesidades de pacientes e profesionais", que alcanza un orzamento comunitario de 8,2 millóns de euros, e ao que contribuirán na súa totalidade as actuacións a desenvolver polo FEDER.

EIXE 3: CRECEMENTO SUSTENTABLE, TERRITORIO, MAR, AGRICULTURA, GANDERÍA E MONTES

Todo este eixe, que presenta un desglose de 5 PA, 23 OE y 2 OI, ten un denominador común, a posta en valor do potencial medioambiental da comunidade autónoma e o fortalecemento do sector primario como panca de crecemento.

O medio natural de Galicia, incluíndo as súas augas, constitúen un ben sen o que non se pode entender a nosa comunidade autónoma e que conta cun amplo percorrido de posibilidades para a súa posta en valor.

Por un lado, dende un punto de vista turístico, sector cun amplo futuro en continuo cambio, no que a nosa comunidade autónoma debe salientar as súas fortalezas para compensar a súa localización e clima fronte as principais prazas europeas. Por outro lado, destacase o sector agropecuario e forestal, cun bo produto e amplo percorrido para xerar valor engadido en torno a el, e o mesmo acontece coa pesca e a acuicultura e a industria transformadora.

Por último, máis non menos importante, mencionar que Galicia produce o 10% da enerxía nacional. En consecuencia, as posibilidades das novas fontes de enerxía abren un horizonte no que traballar para mellorar o mix enerxético e mesmo para crear unha industria en torno a determinadas enerxías renovables, tanto tradicionais como a eólica, as novas liñas de traballo en torno á biomasa e á enerxía undimotriz.

Entre as accións cofinanciadas polos Fondos EIE (FEDER, FSE, FEADER e FEMP) que figuran no orzamento 2017 e que contribuirán ao logro dos Obxectivos Estratéxicos do PEG, destacan as seguintes neste Eixe 3 (294,5 millóns de euros):

Sobresae o Obxectivo Estratéxico E3.PA01.OE06, “Aumentar a rendibilidade dos sistemas produtivos das explotacións agrogandeiras e fomentar a súa modernización e diversificación”, que alcanza un orzamento comunitario de 68,2 millóns de euros, e ao que contribuirán na súa totalidade as actuacións a desenvolver polo FEADER.

A continuación figura o Obxectivo Estratéxico E3.PA01.OE12, “Mellorar a competitividade do sector pesqueiro, a comercialización dos produtos da pesca e da acuicultura e fomentar unha pesca sostible”, que presenta un orzamento comunitario de 46,7 millóns de euros, e ao que contribuirán na súa totalidade as actuacións a desenvolver polo FEMP.

E finalmente tamén destaca o Obxectivo Estratéxico E3.PA01.OE08, “Aumentar a produtividade dos montes galegos e fomentar a xestión forestal sostible”, que alcanza un orzamento comunitario de 34,3 millóns de euros, e ao que contribuirán na súa totalidade as actuacións a desenvolver polo FEADER.

EIXE 4: SOCIEDADE DIXITAL, LINGUA, CULTURA E REFORZO DO PESO DE GALICIA NO SEU ENTORNO

Este Eixe 4 descompón a súa estratexia en 3 PA, 9 OE e 4 OI.

A sociedade da información está a mudar todos os negocios tradicionais cara a unha produción de bens e servizos a medida e con unha demanda moito máis esixente e informada grazas ao uso das TIC. Resulta preciso por tanto, contar coas infraestruturas axeitadas, fomentar as competencias dixitais entre a cidadanía e adaptar os sistemas produtivos e canais de venda das empresas a estas novas tecnoloxías para aproveitar todas as vantaxes que poñen ao noso alcance.

O impulso do autogoberno, a lingua e a cultura de Galicia son fontes de riqueza e elementos básicos da identidade da comunidade autónoma. Resulta estratéxico para o progreso como rexión, procurar a dinamización e o fomento da cultura galega, a normalización e o impulso do idioma galego como medio para protexer e fomentar a identidade cultural de Galicia, o desenvolvemento social, o crecemento económico e o diálogo intercultural.

O progreso de Galicia nos últimos lustros garda un forte vencello co desenvolvemento da súa autonomía, sendo preciso seguir impulsando as institucións autonómicas para situar a nosa rexión entre as máis desenvolvidas de Europa e como modelo de comunidade autónoma seria, estable, solvente financeiramente e solidaria co resto.

Entre as accións cofinanciadas polos Fondos EIE (FEDER, FSE, FEADER e FEMP) que figuran no orzamento 2017 e que contribuirán ao logro dos Obxectivos Estratéxicos do PEG, destacan as seguintes neste Eixe 4 (35,3 millóns de euros):

Sobresae o Obxectivo Estratéxico E4.PA01.OE01, “Aumentar a oferta e o consumo da cultura mediante accións de dinamización cultural planificada e a través das actividades da industria cultural e creativa galega”, que presenta un orzamento comunitario de 27,5 millóns de euros, e ao que contribuirán as actuacións a desenvolver polo FEDER (25,2 millóns de euros) e o FEADER (2,3 millóns de euros).

Tamén destaca o Obxectivo Estratéxico E4.PA03.OE01, “Mellorar a capacidade institucional e a eficiencia da administración de xustiza en Galicia”, que alcanza un orzamento comunitario de 5,1 millóns de euros, e ao que contribuirán as actuacións a desenvolver polo FEDER (4,6 millóns de euros) e o FSE (0,5 millóns de euros).

EIXE 5: ADMINISTRACIÓN MODERNA, EFICIENTE E DE CALIDADE

Neste Eixe instrumental agrúpanse as estratexias para que a administración actúe como elemento tractor das anteriores políticas dun xeito eficiente. Articula a súa estratexia a través de 2 PA y 7 OI.

As accións cofinanciadas polos Fondos EIE (FEDER, FSE, FEADER e FEMP) que figuran no orzamento 2017 e que contribuirán ao logro dos Obxectivos Estratéxicos do PEG neste Eixe 5 (7,7 millóns de euros) son as seguintes:

O Obxectivo Estratéxico E5.PA02.OI03, “Implantar unha xestión financeira orientada a resultados e que avance na eficiencia, transparencia, control e rendición de contas”, presenta un orzamento comunitario de 3,86 millóns de euros, ao que contribuirán as actuacións a desenvolver polo FEDER (2,8 millóns de euros), o FSE (0,8 millóns de euros), o Emprego Xuvenil (0,20 millóns de euros) e o FEMP (0,07 millóns de euros).

O Obxectivo Estratéxico E5.PA02.OI01, “Acadar unha administración eficiente e que persiga a mellora continua da calidade dos servizos a través da optimización e racionalización da xestión do gasto público”, alcanza un orzamento comunitario de 3,83 millóns de euros, e ao que contribuirán na súa totalidade as actuacións a desenvolver polo FEDER.

II.1.3. Coherencia externa do PEG 2015-2020

Analízase a coherencia externa do PEG 2015-2020 a través da relación das súas Prioridades de Actuación coas Orientacións Integradas Europa 2020, cos Obxectivos da Estratexia Europa 2020 e coa estratexia conxunta dos Fondos Estruturais e de Investimentos Europeos (EIE) 2014-2020.

Á hora de establecer estas coherencias non se ten en conta ao Eixe 5 do PEG, agás na primeira delas, por ser transversal e instrumental, que serve de apoio á Xunta de Galicia para lograr os obxectivos económicos e sociais fixados no exercicio das súas funcións de goberno.

COHERENCIA ENTRE AS PRIORIDADES DE ACTUACIÓN DO PEG 2015-2020 E AS ORIENTACIÓNS INTEGRADAS DE EUROPA 2020

A Estratexia Europa 2020 está apoiada por un conxunto integrado de políticas europeas e nacionais que os Estados membros e a Unión deben aplicar para conseguir os efectos positivos dunhas reformas estruturais coordinadas, unha combinación global adecuada de políticas económicas, o pleno emprego, o progreso social, a loita contra a exclusión social, un nivel alto de educación e formación e unha contribución máis coherente das políticas europeas aos obxectivos da devandita estratexia, e a fin de garantir que a unión económica e monetaria funcione con fluidez.

A crise económica e financeira revelou e acentuou importantes deficiencias na economía da Unión e nas economías dos seus Estados membros. Puxo tamén de manifesto a estreita interdependencia das economías e os mercados de traballo dos Estados membros. O principal reto de hoxe en día é asegurar que a Unión se dirixa cara a unha situación de crecemento intelixente, sustentable e inclusivo e de creación de emprego. Para iso, requírese unha acción política coordinada, ambiciosa e eficaz, tanto a escala da Unión como nacional, en consonancia co Tratado de Funcionamento da Unión Europea e a gobernanza económica da Unión.

As orientacións xerais para as políticas económicas dos Estados membros e da Unión (1 a 4) e as orientacións pertinentes para as políticas de emprego dos Estados membros (5 a 8) conforman as Orientacións Integradas (OI) Europa 2020. Aínda que as Orientacións Integradas diríxense aos Estados membros e á Unión, a súa aplicación debe facerse en cooperación con todas as autoridades nacionais, rexionais e locais, e en estreita colaboración cos parlamentos, os interlocutores sociais e os representantes da sociedade civil.

A coherencia entre o Plan Estratéxico de Galicia 2015-2020 e as Orientacións Integradas Europa 2020 queda reflectida na táboa seguinte, onde se aprecia que todas as Orientacións Integradas Europa 2020 ven o seu reflexo nalgunha ou varias das Prioridades de Actuación (PA) do PEG 2015-2020 e por outra banda, ningunha PA queda sen relacionar con algunha das Orientacións Integradas.

Coherencia dos Eixes e Prioridades de Actuación do PEG 2015-2020 coas Orientacións Integradas da Estratexia Europa 2020

Eixes	Prioridades de Actuación	Orientacións Integradas de Europa 2020							
		Políticas económicas 2015				Políticas de emprego 2016			
		Inversión	Reformas estrut	Mercado Único	Finanzas púb saneadas	Emprego de calidade	Oferta de traballo e formación	Mercados de traballo	Inclusión social
Eixe 1. Empregabilidade e Crecemento Intelixente	PA 1.1	X	X	X	X				
	PA 1.2	X	X	X	X	X	X		
	PA 1.3		X	X	X	X	X	X	
	PA 1.4	X		X					
	PA 1.5			X	X		X		X
Eixe 2. Benestar das persoas e as familias e cohesión social	PA 2.1								X
	PA 2.2		X				X		X
	PA 2.3		X				X	X	X
	PA 2.4		X			X	X	X	X
	PA 2.5								X
Eixe 3. Crecemento sustentable, territorio, mar, agricultura, gandería e montes	PA 3.1	X							X
	PA 3.2	X		X					
	PA 3.3								
	PA 3.4								
	PA 3.5	X		X					
Eixe 4. Sociedade dixital, lingua, cultura e reforzo do peso de Galicia no seu	PA 4.1	X	X	X			X		
	PA 4.2								
	PA 4.3		X	X	X				
Eixe 5. Administración moderna, eficiente e de calidade	PA 5.1						X		
	PA 5.2	X	X		X		X		

Fonte: Consellería de Facenda. Elaboración propia

Así, obsérvase como a OI1, relacionada coa promoción e o investimento produtivo que ofrecen os fondos nacionais e os fondos da Unión para favorecer o crecemento en ámbitos clave, cun maior uso dos instrumentos financeiros innovadores e cunha xestión orientada a resultados, presenta unha vinculación directa coas Prioridades de Actuación 1.1, 1.2, 1.4, 3.1, 3.2, 3.5, 4.1 e 5.2.

A OI2, que aborda a aplicación das reformas estruturais no mercado de produtos, o mercado laboral, a seguridade social e os sistemas de pensións para reforzar e apoiar a recuperación económica, garantir a sustentabilidade das finanzas públicas, mellorar a competitividade, previr e corrixir desequilibrios macroeconómicos nocivos e aumentar o potencial de crecemento das economías da Unión, garda coherencia coas Prioridades de Actuación do PEG 1.1, 1.2, 1.3, 2.2, 2.3, 2.4, 4.1, 4.3 e 5.2.

A OI3, que está relacionada coa integración do mercado único, o reforzamento da competitividade, a mellora da contorna empresarial, o adecuado funcionamento do sector

financeiro, o marco de actuación sobre o clima e a enerxía, e as condicións equitativas de competencia transfronteiriza, ten vinculación coas Prioridades de Actuación do PEG 1.1, 1.2, 1.3, 1.4, 1.5, 3.2, 3.5, 4.1 e 4.3.

A OI4, que contempla a contribución das finanzas públicas saneadas á economía, o control a longo prazo dos niveis de déficit e de débeda, a reforma das políticas de gasto que propician o crecemento tales como a educación, a empregabilidade, a I+D+i, e o aumento da eficiencia da Administración pública, garda relación coas Prioridades de Actuación do PEG 1.1, 1.2, 1.3, 1.5, 4.3 e 5.2.

A OI5, que está relacionada coa creación de empregos de calidade, a redución de obstáculos para a contratación, o apoio ao espírito emprendedor e en particular ás PEME, o fomento activo da economía social e da innovación social e a fixación de salarios mínimos con participación do Estado membro e os interlocutores sociais onde se considere especialmente o impacto na pobreza da poboación ocupada, presenta unha vinculación directa coas Prioridades de Actuación do PEG 1.2, 1.3 e 2.4.

A OI6, que contempla a mellora da oferta de traballo, as cualificacións e as competencias, investindo nos sistemas educativos e de formación, nas estratexias de envellecemento activo que permitan prolongar a vida laboral, nos sistemas de aprendizaxe baseados no traballo, na loita contra o elevado desemprego e a inactividade, en reducir as barreiras ao emprego, no aumento da participación da muller no mercado laboral, na igualdade de xénero e na conciliación da vida laboral e familiar, mostra coherencia coas Prioridades de Actuación do PEG 1.2, 1.3, 1.5, 2.2, 2.3, 2.4, 4.1, 5.1 e 5.2.

A OI7, que está relacionada coa mellora do funcionamento dos mercados de traballo, o apoio aos principios de flexibilidade e seguridade, a eficacia do diálogo social, o reforzamento das políticas activas de emprego, a mellora dos servizos públicos de emprego e a oferta de servizos personalizados ás persoas solicitantes de emprego, e o fomento da mobilidade dos traballadores e traballadoras, ten vinculación coas Prioridades de Actuación do PEG 1.3, 2.3 e 2.4.

E finalmente, a OI8, que aborda o fomento da integración social, a loita contra a pobreza e a exclusión social, a promoción da igualdade de oportunidades, a prestación de servizos alcanzables e de calidade, como o coidado infantil, a asistencia extraescolar, a educación, a formación, a vivenda, os servizos sanitarios e os coidados de longa duración, o abandono escolar prematuro, a atención aos réximes de pensións para mulleres e homes e a mellora dos sistemas de saúde e de coidados de longa duración, garda coherencia coas Prioridades de Actuación do PEG 1.5, 2.1, 2.2, 2.3, 2.4, 2.5 e 3.1.

COHERENCIA ENTRE AS PRIORIDADES DE ACTUACIÓN DO PEG 2015-2020 E OS OBXECTIVOS DA ESTRATEXIA EUROPA 2020

Europa 2020 é a estratexia da Unión Europea para o crecemento e o emprego iniciada en 2010 cunha duración prevista de 10 anos. A súa finalidade non é só superar a crise da que se van recuperando progresivamente as economías europeas, senón que trata tamén de paliar as deficiencias do noso modelo de crecemento e de crear as condicións necesarias para un crecemento intelixente, sustentable e integrador.

Lembremos que os grandes **Obxectivos da Estratexia Europa 2020 están relacionados directamente co Emprego, a I+D, o Cambio climático e a enerxía, a Educación e a Pobreza e inclusión social**. Estes 5 Obxectivos relaciónanse entre si e potencianse mutuamente.

Relación de Obxectivos da Estratexia Europa 2020

Ámbitos	Denominación Obxectivo	Cuantificación Obxectivo
Emprego	Taxa de emprego (persoas entre 20 e 64 anos)	75,0%
I+D	Gasto bruto en I+D sobre o PIB	3,0%
Cambio climático e sustentabilidade enerxética	Redución de emisións de gases de efecto invernadoiro (en comparación con niveis de 1990)	20,0%
	Aumento de fontes de enerxías renovables	20,0%
	Aumento da eficiencia enerxética	20,0%
Educación	Redución da taxa de abandono escolar	< 10%
	Completar estudos de nivel terciario (persoas de 30 a 34 anos)	40,0%
Pobreza e exclusión social	Redución da poboación en risco de pobreza ou exclusión social (nº de persoas)	20 millóns

Fonte: Consellería de Facenda. Elaboración propia

Os Obxectivos ofrecen un panorama global do que deben ser os parámetros fundamentais da UE no ano 2020, que deben alcanzarse combinando medidas nacionais e europeas. Concrétanse en obxectivos nacionais para que cada Estado membro poida avaliar o seu avance cara a esas metas.

Apoian a estes obxectivos **7 Iniciativas Emblemáticas** que crean o marco no que a UE e as administracións nacionais poden axuntar esforzos e reforzarse mutuamente en áreas relacionadas coas prioridades de Europa 2020: innovación, economía dixital, emprego, mocidade, política industrial, pobreza e uso eficiente dos recursos.

Outros instrumentos transversais da UE, como o seu mercado único, o seu orzamento plurianual e a súa axenda exterior, tamén contribúen a alcanzar os obxectivos da Estratexia Europa 2020.

Os Estados membros comprometéronse a alcanzar os Obxectivos de Europa 2020 e traducíronos en obxectivos nacionais. Por iso a Unión Europea ten establecido un ciclo

anual de coordinación das políticas económicas, denominado o **Semestre Europeo**. Cada ano, a Comisión analiza detidamente os plans de reformas orzamentarias, macroeconómicas e estruturais dos Estados membros e faílle recomendacións para os meses seguintes.

En outubro de 2015 a Comisión decidiu racionalizar máis o Semestre Europeo. Iso implica, concretamente, integrar mellor a zona do euro e as dimensións nacionais, centrarse máis nos resultados en materia social e de emprego, impulsar o diálogo democrático, fomentar a converxencia localizando e aplicando as mellores prácticas e apoiar as reformas dos Fondos Estruturais e de Investimento Europeos e a asistencia técnica.

O Semestre Europeo empeza cando o presidente da Comisión Europea expón as prioridades políticas, económicas e sociais no discurso sobre o estado da Unión que pronuncia ante o Parlamento Europeo, polo xeral en setembro de cada ano. O debate que segue proporciona a base do Estudo Prospectivo Anual sobre o Crecemento do ano seguinte. Nel establécense as prioridades da UE para impulsar a creación de emprego e o crecemento. En novembro, a Comisión publica o seu Informe sobre o mecanismo de alerta, que está baseado nun cadro de indicadores económicos e sociais onde se relacionan os Estados membros que requiren ulterior análise, en forma de exame exhaustivo, para concluír se existen ou non desequilibrios e de que tipo. Por último e despois das sucesivas fases do Semestre, a finais de xuño ou principios de xullo, o Consello adopta oficialmente as recomendacións para cada país.

Ao analizar a relación das Prioridades de Actuación do PEG 2015-2020 cos grandes Obxectivos da Estratexia Europa 2020 e despois de confeccionar a táboa específica que segue, apréciase que todas as PA da estratexia do PEG contribúen, aínda que con diferente intensidade, polo menos, a un Obxectivo da Estratexia Europa 2020.

Así, obsérvase como as Prioridades de Actuación 1.2 e 1.3 do PEG contribúen ao Obxectivo de Emprego da Estratexia Europa 2020 cunha vinculación alta e moi alta, mentres que as Prioridades de Actuación 1.1, 1.5, 2.2, 2.3, 2.4, 3.1, 3.3, 4.1, 4.2 e 4.3 fano de forma moderada.

Tamén se aprecia que a Prioridade de Actuación 1.1 contribúe en grao moi alto ao Obxectivo de I+D da Estratexia Europa 2020, mentres que as Prioridades de Actuación 1.2, 1.3, 2.1, 3.1, 3.2, 3.5 e 4.1 fano de forma moderada.

As Prioridades de Actuación 1.1 e 3.2 do PEG contribúen de forma alta e moi alta ao Obxectivo do Clima e a enerxía da Estratexia Europa 2020, mentres que as Prioridades de Actuación 1.4, 3.1, 3.4 e 3.5 fano de forma moderada.

As Prioridades de Actuación 2.3 e 4.1 do PEG contribúen moderadamente ao Obxectivo de Educación da Estratexia Europa 2020, mentres que este coa Prioridade de Actuación 1.5 mostra un grao de vinculación moi alto.

E finalmente, apréciase como a Prioridade de Actuación 2.4 do PEG contribúe ao Obxectivo da Pobreza e a inclusión social cunha vinculación moi alta, as Prioridades de Actuación 1.3 e 2.2 fano de forma alta, mentres que as Prioridades de Actuación 1.2, 1.5, 2.1, 2.3, 2.5, 3.1 e 4.1 fano de forma moderada.

Coherencia entre os Eixes e as Prioridades de Actuación do PEG 2015-2020 cos Obxectivos da Estratexia Europa 2020

Eixes	Prioridades de Actuación	Obxectivos da Estratexia Europa 2020				
		Emprego	I+D	Clima e enerxía	Educación	Pobreza e inclusión
Eixe 1. Empregabilidade e Crecemento Intelixente	PA 1.1	X	XXX	XX		
	PA 1.2	XX	X			X
	PA 1.3	XXX	X			XX
	PA 1.4			X		
	PA 1.5	X			XXX	X
Eixe 2. Benestar das persoas e as familias e cohesión social	PA 2.1		X			X
	PA 2.2	X				XX
	PA 2.3	X			X	X
	PA 2.4	X				XXX
	PA 2.5					X
Eixe 3. Crecemento sustentable, territorio, mar, agricultura, gandería e montes	PA 3.1	X	X	X		X
	PA 3.2		X	XXX		
	PA 3.3	X				
	PA 3.4			X		
	PA 3.5		X	X		
Eixe 4. Sociedade dixital, lingua, cultura e reforzo do peso de Galicia no seu entorno	PA 4.1	X	X		X	X
	PA 4.2	X				
	PA 4.3	X				

Grado de vinculación: moderado (X), alto (XX) y muy alto (XXX)

Fonte: Consellería de Facenda. Elaboración propia

COHERENCIA ENTRE AS PRIORIDADES DE ACTUACIÓN DO PEG COA ESTRATEXIA CONXUNTA DOS FONDOS EIE 2014-2020

Os Fondos Estruturais e de Inversión Europeos apoian 11 Obxectivos Temáticos comunitarios definidos no artigo 9 do Regulamento UE 1303/2013, coa finalidade de contribuír á estratexia da Unión para un crecemento intelixente, sustentable e integrador, así como ás misións específicas dos Fondos de acordo aos seus obxectivos baseados no Tratado, incluída a cohesión económica, social e territorial.

Na programación comunitaria 2014-2020 a C.A. de Galicia encádrase no grupo de “rexións máis desenvolvidas” dentro dos Obxectivos “Investimento en crecemento e em-

prego" e "Cooperación Territorial Europea". **Galicia recibirá unha Axuda comunitaria procedente dos Fondos EIE 2014-2020 por un importe aproximado de 4.155 millóns de euros** que, xunto coa achega adicional pública e privada, prevé mobilizar un investimento global de 6.110 millóns de euros, repartidos polos distintos Programas Operativos rexionais e plurirrexionais.

Estimación financeira dos Fondos EIE 2014-2020 que se investirán en Galicia

Rúbricas, subrúbricas e Obxectivos do MFP UE-28 / Fondos EIE				Millóns euros correntes
Rúbrica 1. Obxectivo Inteligente e integrador	Subrúbrica 1b. Cohesión económica, social e territorial	Obxectivo Investimento en crecemento e emprego	FEDER	1.956,9
			FSE	853,9
		Obxectivo Cooperación Territorial Europea	FEDER	83,9
Rúbrica 2. Crecemento sustentable: Recursos naturais	Sector Desenvolvemento Rural		FEADER	889,8
	Sector Marítimo e Pesqueiro		FEMP	371,0
Total				4.155,5

Fonte: Consellería de Facenda. Elaboración propia

Os Fondos EIE contribuirán ao fortalecemento da estratexia da Unión para un crecemento intelixente, sustentable e integrador a través das **prioridades dos seguintes I I Obxectivos Temáticos (OT)**:

1. Potenciar a investigación, o desenvolvemento tecnolóxico e a innovación.
2. Mellorar o uso e a calidade das tecnoloxías da información e da comunicación e o acceso ás mesmas.
3. Mellorar a competitividade das PEME, do sector agrícola (no caso do FEADER) e do sector da pesca e a acuicultura (no caso do FEMP).
4. Favorecer a transición a unha economía baixa en carbono en todos os sectores.
5. Promover a adaptación ao cambio climático e a prevención e xestión de riscos.
6. Conservar e protexer o medio ambiente e promover a eficiencia dos recursos.
7. Promover o transporte sustentable e eliminar os estrangulamentos nas infraestruturas de rede fundamentais.
8. Promover a sustentabilidade e a calidade no emprego e favorecer a mobilidade laboral.
9. Promover a inclusión social e loitar contra a pobreza e calquera forma de discriminación.

- I 0. Investir en educación, formación e formación profesional para a adquisición de capacidades e unha aprendizaxe permanente.
- I 1. Mellorar a capacidade institucional das autoridades públicas e as partes interesadas e a eficiencia da administración pública.

No conxunto dos Programas Operativos dos Fondos EIE xestionados pola Xunta Galicia se contemplan actuacións programadas en todos os Obxectivos Temáticos, agás o OT7 (transporte sustentable) e o OT11 (mellorar a capacidade institucional).

Coherencia dos Eixes e Prioridades de Actuación do PEG 2015-2020 coa Estratexia conxunta dos Fondos EIE 2014-2020 xestionados pola Xunta de Galicia

Eixes	Prioridades de Actuación	Obxectivos Temáticos programados nos POs xestionados pola Xunta de GALICIA									
		OT1	OT2	OT3	OT4	OT5	OT6	OT8	OT9	OT10	
Eixe 1. Empregabilidade e Crecemento Intelixente	PA 1.1	X									
	PA 1.2			X							
	PA 1.3							X		X	
	PA 1.4				X						
	PA 1.5									X	
Eixe 2. Benestar das persoas e as familias e cohesión social	PA 2.1								X		
	PA 2.2								X		
	PA 2.3								X		
	PA 2.4								X		
	PA 2.5										
Eixe 3. Crecemento sustentable, territorio, mar, agricultura, gandería e montes	PA 3.1	X	X	X	X	X	X	X	X	X	
	PA 3.2				X						
	PA 3.3			X			X				
	PA 3.4					X	X				
	PA 3.5						X				
Eixe 4. Sociedade dixital, lingua, cultura e reforzo do peso de Galicia no seu entorno	PA 4.1		X	X							
	PA 4.2						X				
	PA 4.3					X					

Fonte: Consellería de Facenda. Elaboración propia

A coherencia entre o Plan Estratéxico de Galicia 2015-2020 e os Obxectivos Temáticos dos Fondos EIE, queda reflectida na táboa de referencia, onde se aprecia que todas os Obxectivos Temáticos gardan coherencia con algunha ou varias das Prioridades de Actuación (PA) do PEG 215-2020.

O OT1, Potenciar a investigación, o desenvolvemento tecnolóxico e a innovación, está directamente relacionado coas Prioridades de Actuación I.1 e 3.1.

○ OT2, Mellorar o uso e a calidade das TIC e o acceso ás mesmas, garda coherencia coa Prioridades de Actuación 3.1 e fundamentalmente coa 4.1.

○ OT3, Mellorar a competitividade das PEME, garda coherencia coas Prioridades de Actuación 1.2, 3.1, 3.3 e 4.1.

No que se refire ao OT4, Economía baixa en carbono, este ten relación coas Prioridades de Actuación 1.4, 3.1 e 3.2.

○ OT5, Adaptación ao cambio climático e a prevención e xestión de riscos, ten vinculación coas Prioridades de Actuación 3.1, 3.4 e 4.3.

A Conservación e protección do medio ambiente contemplado no OT6 garda coherencia coas Prioridades de Actuación 3.1, 3.3, 3.4, 3.5 e 4.2.

○ OT8, Promover a sustentabilidade e a calidade no emprego, está directamente relacionado coas Prioridades de Actuación 1.3 e 3.1.

○ OT9, Promover a inclusión social e loitar contra a pobreza e calquera forma de discriminación, garda coherencia con 4 Prioridades de Actuación do Eixe 2 (2.1, 2.2, 2.3 e 2.4) e a 3.1 do Eixe 3.

Por último, o OT10, Educación e formación, ten vinculación coas Prioridades de Actuación 1.3, 1.5 e 3.1.

II.2. A AXUDA COMUNITARIA NOS ORZAMENTOS DA C.A. PARA 2017

○ O total da Axuda dos programas comunitarios dos Fondos EIE 2014-2020 acadan nos orzamentos da C.A. para 2017 un montante de 547,2 millóns de euros e correspóndense coa política de cohesión a través do FEDER, FSE e a Iniciativa de Emprego Xuvenil e coas políticas de Desenvolvemento Rural e Marítima e de Pesca a través do FEADER e FEMP, respectivamente.

Distribución da Axuda Comunitaria nos orzamentos 2017 por PA do PEG e Programas Operativos (euros)

PEG 15-20		PROGRAMAS COMUNITARIOS							
EIXE	PA	FEDER	FEADER	FEMP	FSE	Emprego Xuvenil	INTERREG Europa	TOTAL	%
1	1.1	29.543.612	2.497.097	0	2.090.000	0	124.579	34.255.288	6,3
	1.2	30.632.983	17.378.499	0	2.266.522	0	0	50.278.004	9,2
	1.3	0	0	0	20.960.712	15.999.999	0	36.960.711	6,8
	1.4	13.791.745	0	0	0	0	0	13.791.745	2,5
	1.5	9.881.951	1.829.602	495.000	16.900.661	0	0	29.107.214	5,3
2	2.1	15.074.761	0	0	0	0	0	15.074.761	2,8
	2.2	1.195.616	0	0	2.108.057	0	0	3.303.673	0,6
	2.3	6.535.928	0	0	2.501.899	2.000.000	0	11.037.827	2,0
	2.4	2.245.994	0	0	13.684.376	0	0	15.930.370	2,9
3	3.1	2.252.796	155.078.806	62.204.221	0	0	0	219.535.823	40,1
	3.2	20.874.214	3.285.000	0	0	0	0	24.159.214	4,4
	3.3	4.570.835	1.500.000	0	0	0	0	6.070.835	1,1
	3.4	7.085.360	3.996.840	0	0	0	0	11.082.200	2,0
	3.5	26.256.356	7.368.286	0	0	0	0	33.624.642	6,1
4	4.1	25.174.567	2.250.000	0	0	0	0	27.424.567	5,0
	4.2	2.785.902	0	0	0	0	0	2.785.902	0,5
	4.3	4.613.544	0	0	513.028	0	0	5.126.572	0,9
5	5.2	6.646.263	0	68.970	777.903	205.808	0	7.698.944	1,4
TOTAL		209.162.427	195.184.130	62.768.191	61.803.158	18.205.807	124.579	547.248.292	100,0

Fonte: elaboración propia

Nota: No importe do FEDER inclúese 3.216.188 euros do PO Plurirrexional Crecemento Intelixente 14-20, que corresponde a E2.PA 2.1.

Por Programas destaca a Axuda conxunta FEDER do PO rexional Galicia e do PO Plurirrexional Crecemento Intelixente, con 209,2 millóns de euros, dos que 205,95 corresponden ao PO rexional, que representa o 38,2% do total do orzamento comunitario, seguido do PO FEADER, que con 195,2 millóns de euros supón o 35,7% da Axuda total. O PO FEMP, con 62,8 millóns de euros, supón o 11,5% do total. O programa do FSE ascende a 61,8 millóns de euros e representa o 11,3% do total da Axuda. Séguelle O PO de Emprego Xuvenil, que con 18,2 millóns de euros alcanza o 3,3% do total da Axuda orzamentada. E finalmente, figura a Cooperación Territorial Europea Interreg Europa, que con 124.579 euros representa o 0,02% do total da Axuda.

Analizando a distribución da Axuda comunitaria nos orzamentos da C.A. para 2017 **por Prioridades de Actuación (PA) do PEG 2015-2020**, obsérvase que a prioridade que máis destaca é a **PA 3.1**, vinculada co sector primario baseado na innovación e a calidade de produto galego que fixe a poboación ao medio rural, que con 219,5 millóns de euros representa o 40,1% do total da Axuda comunitaria, seguido da **PA 1.2**, que está relacionada ca actividade empresarial, a competitividade, a internacionalización, a artesanía, a regulación sectorial e a protección da competencia, que con 50,3 millóns de euros supón o 9,2% do total, e da **PA 1.3**, relacionada coa empregabilidade e produtividade dos

traballadores galegos a través da formación e innovación constante, que con 37 millóns de euros representa o 6,8% do total.

Arredor do 6% da Axuda aparece a **PA 1.1**, vinculada cos gastos de I+D+i en Galicia, con 34,3 millóns de euros, seguida da **PA 3.5**, que está relacionada co tratamento de residuos e o ciclo da auga, con 33,6 millóns de euros, e a **PA 1.5**, relacionada coas accións no sistema educativo e no Sistema Universitario Galego, cun orzamento de 29,1 millóns de euros, que supoñen respectivamente o 6,3%, 6,1% e 5,3% do total da Axuda comunitaria.

A continuación figura a **PA 4.1**, relacionada co desenvolvemento da economía dixital e da sociedade da información, que cun orzamento do 27,4 millóns de euros supón ó 5 % do total da Axuda, e a **PA 3.2**, vinculada coas enerxías renovables e o fomento dunha economía baixa en carbono, que con 24,2 millóns de euros representa o 4,4% da Axuda. Segue a **PA 2.4**, que está relacionada coa integración social, coa axuda aos máis desfavorecidos e co fomento da igualdade de xénero, que co 2,9% ten unha Axuda de 15,9 millóns de euros.

Figuran despois a **PA 2.1**, vinculada co sistema sanitario e o fomento da saúde pública e os modos de vida saudables, con 15 millóns de euros, e a **PA 1.4**, vinculado coas infraestruturas básicas e as políticas de rehabilitación e conservación da vivenda, con 13,8 millóns de euros, que representan o 2,8% e 2,5% da Axuda, respectivamente.

Co 2% aparecen a **PA 3.4**, vinculada coa conservación da natureza e a ordenación do territorio e da paisaxe, con 11,08 millóns de euros, e a **PA 2.3**, relacionada cos servizos sociais a familias e á infancia, coa conciliación e a igualdade, cos servizos complementarios da educación e coas políticas de xuventude e cooperación, con 11,04 millóns de euros.

Co 1,4% da axuda figura a **PA 5.2**, vinculada coa Administración financeira transparente, eficiente e orientada a resultados, con 7,7 millóns de euros. A continuación aparece a **PA 3.3**, relacionada co turismo, que con 6 millóns de euros representa o 1,1% do total da Axuda.

E finalmente, cunha representación do 0,9%, 0,6% e 0,5% do total da Axuda, figuran a **PA 4.3**, que está relacionada coas institucións de autogoberno da C.A., a **PA 2.2**, vinculada cos servizos sociais de atención as persoas maiores e dependentes, e a **PA 4.2**, relacionada coa riqueza cultural de Galicia, que alcanzan 5,1, 3,3 e 2,8 millóns de euros, respectivamente.

En canto a **contribución dos Programas Operativos as PA do PEG**, sobresaen os cofinanciados polo FEDER que contribúe directamente a 17 PA, seguidos do FEADER e o FSE, cada un deles con 9, e do FEMP e do Emprego Xuvenil, con 3 cada un deles. O PO de INTERREG Europa contribúe coa totalidade da súa inversión a unha PA.

Por outra parte tamén destacan as PA 1.1, 1.5 e 5.2, que son as que **reciben investimentos dun número maior de programas**, con 4 programas cada unha delas. E coa contribución de 3 Fondos figuran as PA 1.2, 2.3 e 3.1.

Exponse a continuación a **distribución da Axuda comunitaria dos Programas Operativos que son cofinanciadas polos Fondos EIE (FEDER, FEADER, FSE e FEMP)** nos orzamentos de 2017.

A anualidade orzamentada do **PO FEDER Galicia 2014-2020 e do PO FEDER Crecemento Intelixente 2014-2020** correspondente á Comunidade Autónoma para 2017, repartida por centros xestores e Consellerías da Xunta ascende, en termos de Axuda comunitaria, a 209.162.427 euros, dos que o programa rexional alcanza 205.946.239 millóns de euros.

O número de centros directivos que xestionarán o FEDER orzamentado para o ano 2017 elévase a 27.

Destaca a Axuda comunitaria que será xestionada polo Instituto Galego de Promoción Económica (30,6 millóns de euros), que supón o 14,6% do total do FEDER, seguida da Axencia para a Modernización Tecnolóxica de Galicia (25,2 millóns de euros, 12%), da Axencia Galega de Innovación (24,9 millóns de euros, 11,9%), da Secretaría Xeral Técnica da Consellería de Medio Ambiente e Ordenación do Territorio (23,3 millóns de euros, 11,1%) e do Instituto Enerxético de Galicia (18,7 millóns de euros, 8,9%).

Nun segundo grupo de 13 xestores, con participación entre 7,2% e 1% da Axuda FEDER, destaca o SERGAS (15,1 millóns de euros, 7,2%), a Axencia Galega de Infraestruturas (10,6 millóns de euros, 5,1%), a Secretaría Xeral Técnica da Consellería de Cultura, Educación e O.U. (9,9 millóns de euros, 4,7%), a DX de Familia, Infancia e Dinamización Demográfica (6,1 millóns de euros, 2,92%), e a SX de Calidade e Avaliación Ambiental (6 millóns de euros, 2,9%).

E finalmente, no último grupo de 9 xestores, con participación por debaixo de 1%, destaca a Axencia Galega de Emerxencias (1,8 millóns de euros, 0,9%), e a DX de Inclusión Social da Consellería de Política Social (1,745 millóns de euros) e o Centro Informático de Xestión Tributaria, Económica e Contable (1,743 millóns de euros), co 0,8% do FEDER cada un deles.

Distribución da Axuda FEDER 2014-2020 do PO Galicia e do PO Crecemento Intelixente por órgano xestor e consellerías no orzamento 2017 (euros)

Centro Xestor	Órgano/Consellería	Euros
SECRETARÍA XERAL TÉCNICA	VICEPRESIDENCIA E CONSELLERÍA DE PRESIDENCIA, AAPP. E XUSTIZA	5.829.576
D.X DE EMERXENCIAS E INTERIOR	VICEPRESIDENCIA E CONSELLERÍA DE PRESIDENCIA, AAPP. E XUSTIZA	837.990
SECRETARÍA XERAL TECNICA E DO PATRIMONIO	CONSELLERÍA DE FACENDA	600.230
D.X DE PROXECTOS E FONDOS EUROPEOS	CONSELLERÍA DE FACENDA	467.792
SECRETARÍA XERAL TECNICA	CONSELLERÍA DE MEDIO AMBIENTE E ORDENACIÓN DO TERRITORIO	23.257.862
S.X DE CALIDADE E AVALIACIÓN AMBIENTAL	CONSELLERÍA DE MEDIO AMBIENTE E ORDENACIÓN DO TERRITORIO	6.032.166
D.X. DE CONSERVACIÓN DA NATUREZA	CONSELLERÍA DE MEDIO AMBIENTE E ORDENACIÓN DO TERRITORIO	4.051.688
D.X. DE MOBILIDADE	CONSELLERÍA DE INFRAESTRUTURAS E VIVENDA	2.159.858
SECRETARÍA XERAL TÉCNICA	CONSELLERÍA DE CULTURA, EDUCACIÓN E O.U	9.881.951
DIRECCIÓN XERAL DE PATRIMONIO CULTURAL	CONSELLERÍA DE CULTURA, EDUCACIÓN E O.U	2.785.902
SECRETARIA XERAL DE UNIVERSIDADES	CONSELLERÍA DE CULTURA, EDUCACIÓN E O.U	4.623.427
SECRETARIA XERAL TECNICA	CONSELLERÍA DE POLÍTICA SOCIAL	395.141
D.X. DE FAMILIA, INFANCIA E DINAMIZACIÓN DEMOGRÁFICA	CONSELLERÍA DE POLÍTICA SOCIAL	6.100.787
D.X. DE INCLUSIÓN SOCIAL	CONSELLERÍA DE POLÍTICA SOCIAL	1.745.994
D.X. DE MAIORES E PERSOAS CON DISCAPACIDADE	CONSELLERÍA DE POLÍTICA SOCIAL	1.195.616
DIRECCIÓN XERAL DE ORDENACIÓN E PRODUCCIÓN FORESTAL	CONSELLERÍA DO MEDIO RURAL	2.252.796
DIRECCION XERAL SS. CC.	SERGAS - DIRECCIÓN XERAL	15.074.761
INSTITUTO GALEGO DA VIVENDA E SOLO	INSTITUTO GALEGO DA VIVENDA E SOLO	3.156.998
AXENCIA GALEGA DE INFRAESTRUTURAS	AXENCIA GALEGA DE INFRAESTRUTURAS	10.634.747
AXENCIA PARA A MODERNIZACION TECNOLOXICA DE GALICIA	AXENCIA PARA A MODERNIZACION TECNOLOXICA DE GALICIA	25.174.567
AXENCIA GALEGA DE INNOVACION	AXENCIA GALEGA DE INNOVACION	24.920.185
AXENCIA DE TURISMO DE GALICIA	AXENCIA DE TURISMO DE GALICIA	4.570.835
AXENCIA GALEGA DE SERVIZOS SOCIAIS	AXENCIA GALEGA DE SERVIZOS SOCIAIS	540.000
AXENCIA GALEGA DE EMERXENCIAS	AXENCIA GALEGA DE EMERXENCIAS	1.780.766
CENTRO INFORMATICO XESTION TRIBUTARIA ECONOMICA E CONTABLE	CENTRO INFORMATICO XESTION TRIBUTARIA ECONOMICA E CONTABLE	1.743.453
INSTITUTO GALEGO DE PROMOCIÓN ECONÓMICA	INSTITUTO GALEGO DE PROMOCIÓN ECONÓMICA	30.632.983
INSTITUTO ENERXÉTICO DE GALICIA	INSTITUTO ENERXÉTICO DE GALICIA	18714356,0
Orzamento		209.162.427

Fonte: elaboración propia

Nota: No importe do SERGAS inclúese 3.216.188 euros do PO Plurirrexional Crecemento Intelixente 2014-2020.

A anualidade orzamentada do **PO FEADER Galicia 2014-2020** correspondente á Comunidade Autónoma de Galicia para 2017, repartida por centros xestores e Consellerías da Xunta ascende, en termos de Axuda comunitaria, a 195.184.130 euros.

Distribución da Axuda do PO FEADER Galicia 2014-2020 por órgano xestor e consellerías no orzamento 2017 (euros)

Centro Xestor	Órgano/Consellería	Euros
D.X. DE ADMINISTRACIÓN LOCAL	VICEPRESIDENCIA E CONSELLERÍA DE PRESIDENCIA, AAPP. E XUSTIZA	1.490.000
SECRETARÍA XERAL TÉCNICA	CONSELLERÍA DE MEDIO AMBIENTE E ORDENACIÓN DO TERRITORIO	7.368.286
D.X. DE CONSERVACIÓN DA NATUREZA	CONSELLERÍA DE MEDIO AMBIENTE E ORDENACIÓN DO TERRITORIO	2.506.840
SECRETARÍA XERAL TÉCNICA	CONSELLERÍA DO MEDIO RURAL	1.409.856
DIRECCIÓN XERAL DE ORDENACIÓN E PRODUCCIÓN FORESTAL	CONSELLERÍA DO MEDIO RURAL	55.539.400
DIRECCIÓN XERAL DE GANDARÍA, AGRICULTURA E INDUSTRIAS AGROALIMENTARIAS	CONSELLERÍA DO MEDIO RURAL	57.231.548
D.X. DE DESENVOLVEMENTO RURAL	CONSELLERÍA DO MEDIO RURAL	13.860.248
FONDO GALEGO DE GARANTÍA AGRARIA	FONDO GALEGO DE GARANTÍA AGRARIA	29.663.728
AXENCIA PARA A MODERNIZACIÓN TECNOLÓXICA DE GALICIA	AXENCIA PARA A MODERNIZACIÓN TECNOLÓXICA DE GALICIA	2.250.000
AXENCIA DE TURISMO DE GALICIA	AXENCIA DE TURISMO DE GALICIA	1.500.000
INSTITUTO GALEGO DE PROMOCIÓN ECONÓMICA	INSTITUTO GALEGO DE PROMOCIÓN ECONÓMICA	1.628.499
INSTITUTO ENERXÉTICO DE GALICIA	INSTITUTO ENERXÉTICO DE GALICIA	3.285.000
AXENCIA GALEGA DE DESENVOLVEMENTO RURAL	AXENCIA GALEGA DE DESENVOLVEMENTO RURAL	17.450.725
Orzamento		195.184.130

Fonte: elaboración propia

O número de centros que xestionarán o FEADER orzamentado no ano 2017 elévase a 13.

Destaca a Axuda que será xestionada pola DX de Gandería, Agricultura, e Industrias Agroalimentarias da Consellería do Medio Rural (57,2 millóns de euros, 29,3% do total da Axuda), seguida da DX de Ordenación e Producción Forestal (55,5 millóns de euros, 28,5%), do Fondo Galego de Garantía Agraria (29,7 millóns de euros, 15,2%), da Axencia Galega de Desenvolvemento Rural (17,5 millóns de euros, 8,9%) e da DX de Desenvolvemento Rural (13,9 millóns de euros e 7,1% do total do FEADER).

A anualidade orzamentada para o ano 2017 da Axuda comunitaria **FEMP Galicia 2014-2020**, repartida por centros xestores e Consellerías da Xunta de Galicia, ascende a 62.768.191 euros.

Distribución da Axuda do PO FEMP Galicia 2014-2020 por órgano xestor e consellerías no orzamento 2017 (euros)

Centro Xestor	Órgano/Consellería	Euros
SECRETARÍA XERAL TÉCNICA E DO PATRIMONIO	CONSELLERÍA DE FACENDA	68.970
DIRECCIÓN XERAL DE PESCA, ACUICULTURA E INNOVACIÓN TECNOLÓXICA	CONSELLERÍA DO MAR	41.591.633
D.X. DE DESENVOLVEMENTO PESQUEIRO	CONSELLERÍA DO MAR	21.107.588
Orzamento		62.768.191

Fonte: elaboración propia

Son 3 os centros directivos que xestionarán o FEMP orzamentado para o ano 2017. Destaca a DX de Pesca, Acuicultura e Innovación Tecnolóxica, con 41,6 millóns de euros, seguida da DX de Desenvolvemento Pesqueiro, con 21,1 millóns de euros, pertencentes

as dúas a Consellería do Mar, que supoñen respectivamente o 66,3% e o 33,6% do total da Axuda.

A anualidade orzamentada do **PO FSE Galicia 2014-2020** correspondente á Comunidade Autónoma de Galicia no 2017, repartida por centros xestores e Consellerías da Xunta ascende, en termos de Axuda comunitaria, a 61.803.158 euros.

O número de centros directivos que xestionarán o FSE 2014-2020 orzamentado para o ano 2017 elévase a 12.

Distribución da Axuda do PO FSE Galicia 2014-2020 por órgano xestor e consellerías no orzamento 2017 (euros)

Centro Xestor	Órgano/Consellería	Euros
SECRETARÍA XERAL DE IGUALDADE	VICEPRESIDENCIA E CONSELLERÍA DE PRESIDENCIA, AAPP. E	7.048.852
SECRETARÍA XERAL TÉCNICA E DO PATRIMONIO	CONSELLERÍA DE FACENDA	436.037
D.X. DE PROXECTOS E FONDOS EUROPEOS	CONSELLERÍA DE FACENDA	341.866
S.X. DE EMPREGO	CONSELLERÍA DE ECONOMÍA, EMPREGO E INDUSTRIA	17.179.533
D.X. DE ORIENTACIÓN E PROMOCIÓN LABORAL	CONSELLERÍA DE ECONOMÍA, EMPREGO E INDUSTRIA	3.781.179
SECRETARÍA XERAL DE UNIVERSIDADES	CONSELLERÍA DE CULTURA, EDUCACIÓN E O. U	2.090.000
D.X. DE CENTROS E RECURSOS HUMANOS	CONSELLERÍA DE CULTURA, EDUCACIÓN E O. U	16.900.661
D.X. DE FAMILIA, INFANCIA E DINAMIZACIÓN	CONSELLERÍA DE POLÍTICA SOCIAL	1.565.022
D.X. DE INCLUSIÓN SOCIAL	CONSELLERÍA DE POLÍTICA SOCIAL	7.572.401
D.X. DE MAIORES E PERSOAS CON DISCAPACIDADE	CONSELLERÍA DE POLÍTICA SOCIAL	2.108.057
ACADEMIA GALEGA DE SEGURIDADE PÚBLICA	ACADEMIA GALEGA DE SEGURIDADE PÚBLICA	513.028
INSTITUTO GALEGO DE PROMOCIÓN ECONÓMICA	INSTITUTO GALEGO DE PROMOCIÓN ECONÓMICA	2.266.522
Orzamento		61.803.158

Fonte: elaboración propia

Destaca a Axuda comunitaria que será xestionada pola SX de Emprego da Consellería de Economía, Emprego e Industria (17,2 millóns de euros), a DX de Centros e Recursos Humanos (16,9 millóns de euros), a DX de Inclusión Social (7,6 millóns de euros), a SX de Igualdade (7 millóns de euros), a DX de Orientación e Promoción Laboral (3,8 millóns de euros), o Instituto Galego de Promoción Económica (2,3 millóns de euros), a DX de Maiores e Persoas con Discapacidade (2,1 millóns de euros), a SX de Universidades (2 millóns de euros), e que representan respectivamente o 27,8%, 27,3%, 12,3%, 11,4%, 6,1%, 3,7%, 3,4% e 3,4% do total da Axuda FSE orzamentada.

A anualidade orzamentada do **PO Emprego Xuvenil 2014-2020** correspondente a Comunidade Autónoma de Galicia no 2017, repartida por centros xestores e Consellerías da Xunta ascende, en termos de Axuda comunitaria a 18.205.807 euros. Este PO está cofinanciado polo FSE e pola Iniciativa de Emprego Xuvenil.

Distribución da Axuda do PO Emprego Xuvenil Galicia 2014-2020 por órgano xestor e consellerías no orzamento 2017 (euros)

Centro Xestor	Órgano/Consellería	Euros
SECRETARÍA XERAL TÉCNICA E DO PATRIMONIO	CONSELLERÍA DE FACENDA	52.832
D.X. DE PROXECTOS E FONDOS EUROPEOS	CONSELLERÍA DE FACENDA	152.976
S.X. DE EMPREGO	CONSELLERÍA DE ECONOMÍA, EMPREGO E INDUSTRIA	9.104.670
D.X. DE ORIENTACIÓN E PROMOCIÓN LABORAL	CONSELLERÍA DE ECONOMÍA, EMPREGO E INDUSTRIA	6.895.329
D.X. DE XUVENTUDE, PARTICIPACIÓN E VOLUNTARIADO	CONSELLERÍA DE POLÍTICA SOCIAL	2.000.000
Orzamento		18.205.807

Fonte: elaboración propia

O número de centros que xestionarán o PO Emprego Xuvenil orzamentado para o ano 2017 elévase a 5.

Destaca na Consellería de Economía, Emprego e Industria a Axuda comunitaria que será xestionada pola SX de Emprego (9,1 millóns de euros) e pola DX de Orientación e Promoción Laboral (6,9 millóns de euros), que supoñen respectivamente o 50% e o 37,9% do total da Axuda. A continuación figura a DX de Xuventude, Participación e Voluntariado, da Consellería de Política Social, que con 2 millóns de euros representa o 11% da Axuda anual do Programa.

A anualidade orzamentada do **PO CTE Interrexional INTERREG Europa 2014-2020** correspondente á Comunidade Autónoma de Galicia para o ano 2017, ascende en termos de Axuda comunitaria, a 124.579 euros.

Distribución da Axuda do PO CTE Interrexional Galicia 2014-2020 por órgano xestor e consellerías no orzamento 2017 (euros)

Centro Xestor	Órgano/Consellería	Euros
AXENCIA GALEGA PARA A XESTIÓN DO COÑECEMENTO EN SAÚDE	AXENCIA GALEGA PARA A XESTIÓN DO COÑECEMENTO EN SAÚDE	124.579
Orzamento		124.579

Fonte: elaboración propia

O centro directivo que xestionará o INTERREG Europa 2014-2020 orzamentado para o ano 2017 é a Axencia Galega para a Xestión do Coñecemento da Saúde.